

Buna raccolta



Gl'è nia ansem en po roba tgi diversa gliout ò purto e tgi ins so duvrar ainten la Canorta Tgimirola.

comm. Sonda passada, igls 7 da mars è sto igl de da raccolta per la Canorta Tgimirola. Las organisatouras dastgan vurdar anavos sen ena occurrenza bagngartageda.

«Tgi so quants tgi vignan en de da tala belezza?», sa dumandavan las organisatouras da chel de da raccolta per la nova canorta. Pero gio avant las 14.00 èn cumpareidas las ampremas visitas cun tarmagls ainta mang. Ainten l'antieriora Cantina era gio tot pront: en stu pent buffet da turtas tgi l'Uniu da donnas ve-

va procuro, avonda posts da seser ed ena gronda meisa da malager pigls pitschens.

Las organisatouras èn stadas surstadas da tot chegl tgi è nia purto. Tarmagls dalla tgadafi, sur carotschas, locomotivas da lenn, lego, animals da plisch, discs cumpacts per tadlar, anfingnen tar codeschs ed anc bler, bler oter.

Dasper igls tamagls per unfants on las organisatouras er anc survagnia letgigns da pups, babybjörns, maxicosi, carotschas e buggys, scu er ena gardaroba. Er la scola ò gido ed ò regalo meisignas, soptgas e matratschas per far gimnastica. La cassa era la seira er bagn amplaneida cun 1 371 francs.



Ena mamma cun igl sies unfant: forsa vign er el en de a saveir nizigier igl sarvetsch dalla canorta.

Pero betg angal chel de è nia collezioni, er avant e siva chell'occurrenza èn s'annunztgeidas persungas tgi levan dar ensatge per la canorta.

Sen chella veia lessan las organisatouras an-gaztger a tots cordialmaintg per igl grondious sustign!

Lessas annunztgier igl Voss unfant alla Canorta Tgimirola? U vez dumondas? Nous ans le-gragn da voss contact: Monika Battaglia (081 637 13 51) e Bettina Bergamin (081 637 19 54) u canorta-savognin@gmx.ch



Igl giaveisch dallas mammas dad eir a luvrar ed uscheia contribueir allas antradas dalla famiglia è oz pi grond. Ena canorta so cò contribueir la sia part.



Per la canorta a Savognin para igl interess dad esser pulit grond.